

Gooftaan Kee Eenyu?

﴿قُلْ هُوَ اللَّهُ أَحَدٌ ۝ اللَّهُ الصَّمَدُ ۝ لَمْ يَلِدْ وَلَمْ يُولَدْ ۝ وَلَمْ يَكُن لَّهُ كُفُوًا أَحَدٌ﴾

1. Jedhi "Inni Allaah dha, Tokkieha

2. Rabbiin Of danda'aa hirkoo waa hundaati.

3. Hin dhalte hin dhalannes.

4. Qixxaatan (fakkaatan) tokkollee Isaaf hin jiru.

Al-Qur'an, suuratu Al-Iklaas 112:1-4

Gooftaan Kee Eenyu?-Kutaa 2ffaa

Description

Kutaa darbee irraa itti fufuun Gooftaan keenya eenyu akka taâ€™TMe ni ilaalla. Namni addunyaa irraa gara Aakhiraatti erga godaane booda gaafin jalqabaa inni gaafatamu, â€œMan Rabbuka (Gooftaan kee eenyu)â€• kan jedhuudha. Namtichi nama dhugaan Rabbitti amanee fi itti bule yoo taâ€™TMe, Gooftaan kiyya Rabbii anaa fi wanta hundaa uumedha jechuun deebisa. Nama Rabbitti kafaree ykn munaafiqa yoo taâ€™TMe immoo, â€œHa, ha! ha!...laa adrii (ani hin beeku)â€• jedha. Kanaafi, Rabbitti amanuun hundee amantiiti. Akkuma yeroo darbee jenne Rabbitti amanuun wantoota afur of keessatti qabata. Isaan keessaa tokkoffaa ilaalle jirra. Harâ€™TMa immoo lammaffaa ni ilaalla.

2. Gooftummaa Rabbiitti amanuu (al-Imaanu birubuubiyyatihi)

Rabb jechuun maal jechuudha? Akka afaan Arabiffaatti jechi Rabb jedhu jecha tarbiyaa jedhu irraa kan fudhatameedha[1]. Tarbiyaa jechuun kunuunsu, guddisuu fi barsiisudha[2]. Akka lugaatti jechi Rabb jedhu hiika baayâ€™TMee qaba. Isaan keessaa Murabbii (kan guddisuu fi kunuunsu), Maalik (qabaataa), Sayyid (Bulchaa), Mudabbir (Qindeessaa), Munâ€™TMim (kan waa hunda qananiisu)[3]â€

Rabbiin subhaanahu wa taâ€™TMaalaa lubbu-qabeenyi hundaa qananii fi tola Isaatiin ni kunuunsa, ni guddisa, kaayyooo uumamaniif isaan qopheessee jira. Wanta barbaadan hunda isaaniif dhiyeessee jira. Rabbiin subhaanahu wa taâ€™TMaalaa haasawa Nabii Muusaa fi Firaâ€™TMawn jiddutti taasifame haala kanaan hima:

﴿قَالَ قَتَلْنَا نَحْنُهُ ۖ قَالَ رُبُّكَ الَّذِي أَنْعَمَ عَلَيْنَا ۖ قُلْ عِلْمٌ عِنْدَ رَبِّي﴾

[Firaâ€™TMawn] ni jedhe, â€œYaa Muusaa! Gooftaan keessan eenyu?â€•

[Muusaanis] ni jedhe, â€œGooftaan keenya Kan wanta hundaaf boca fi uumama isaa kenneefii ergasii qajeelchedha.â€• Suuratu Xaahaa 20:49-50

Kana jechuun Gooftaan keenya uumamtoota hundaa Kan uume fi uumamaa fi boca isaaniif maluu kan kenneedha. Garii guddaa, garii xiqqaa, garii furdaa, garii qalâ€™TMaa fi kkf godha. Boca fi suuraa garagaraa irratti uumamtoota uume. Ergasii wanta isaan barbaadanii fi fayyadutti ni qajeelche.

Kanaafu Rabb (Gooftaan) Kan wanta hundaa uumu, bulchu, tooâ€™atu, kunuunsu fi guddisu, qindeessu, nyaachisu, obaasu, Mootii wanta hundaa, ajajni hundii kan Isaa kan taâ€™eedha. Kaaliqni (Uumaan) Rabbiin malee hin jiru, Mootiin Isa malee hin jiru, Kan wanta hundaa ajaju Isa malee hin jiru. Fakkeenyaaf, ilma namaa kan uumu Rabbiin malee jiraa? Bishaan samii irraa roobsun biqiltoota kan biqilchu Rabbiin malee ni jiraa? Ilmaan namaa walitti qabamanii samii irraa bishaan ni buusna osoo jedhanii gonkumaa buusu hin dandaâ€™man.

Gooftummaa Rabbiitti amanuu jechuun Rabbiin qofti Uumaa, Mootii, nyaachisaa fi obaasaa, Qindeessaa fi Tooâ€™ataa wantoota hundaa akka taâ€™e amanuudha[4]. Rabbiin ni jedha:

﴿إِنَّ رَبَّكُمُ اللَّهُ الَّذِي خَلَقَ السَّمَوَاتِ وَالْأَرْضَ فِي سِتَّةِ أَيَّامٍ ثُمَّ اسْتَوَىٰ عَلَى الْعَرْشِ يُغْشِي اللَّيْلَ النَّهَارَ يَطْلُبُهُ حِينًا وَالنَّهَارَ وَاللَّيْلَ وَالنَّجْمُ مُنْجَرِّتٍ بِآَمُرٍ ۚ لَا إِلَهَ إِلَّا هُوَ الْحَلَقُ وَالْأَمْرُ لِلَّهِ رَبِّ الْعَالَمِينَ﴾

â€œDhugumatti, Gooftaan keessan Rabbiidha, Kan samii fi dachii guyyoota jaha keessatti uumee ergasii Arshii irratti oltaâ€™iinsa Isaaf maluu ol taâ€™eedha. Ariitiin kan isa barbaadu taâ€™ee guyyaa halkaniiin haguuga. Aduu, jiâ€™a fi urjiwwanis kan ajaja Isaatiin laafiffaman taâ€™anii [isaan uume]. Dhagayaa! Uumuunii fi ajajni kan Isaati. Rabbiin Gooftaa aalamaa taâ€™e toltuun Isaa baayâ€™atte.â€• Suuratu Al-Aâ€™araaf 7:54

â€œAriitiin kan isa barbaadu taâ€™ee guyyaa halkaniiin haguuge.â€• kana jechuun dukkanni halkanii ifa guyyaatin deema, ifni guyyaa dukkana halkaniiin deema. Halkanii guyyaan ariitiin wal duraa duuban dhufu. Tokko tokkorraa duubatti hin hafu.â€• Tafsii ibn Kasiir 3/427

﴿يُولِجُ اللَّيْلَ فِي النَّهَارِ وَيُولِجُ النَّهَارَ فِي اللَّيْلِ وَنُجُومٌ مُّجْرِيَةٌ لِأَجْلِ مَآسَىٰ دَٰلِكُمْ أَنَّكُمْ لَكُمْ L

â€œInni halkan guyyaa keessa seensisa; guyyaas halkan keessa seensisa. Aduu fi jiâ€™a ni laaffisa, hunduu hanga beellamaa beekkamaa taâ€™etti ni fiigu. Suni Gooftaa keessan Allaah dha; mootummaan kan Isaati. Isaan isin Rabbi gaditti kadhattan wanta hanga qoola haphii ija timiraallee hin qaban.â€• Suuratu Faaxir 35:13

Halkan guyyaa keessa seensisa; guyyaas halkan keessa seensisa jechuun tokko tokko keessa seensisa, akkuma tokko dhufuun kan biraa ni deema; tokko dheeratee, kan biraa immoo ni gabaabbata. Fakkeenyaaf, Biyya Turkii keessatti yeroo bonaa guyyaan ni dheerata halkan ni gabaabbata, yeroo gannaa immoo halkan ni dheerata guyyaan ni gabaabbata. Fkn, Jiâ€™a kana keessa (June) aduun kan baatu gara saâ€™aati 11:00 yoo taâ€™u kan dhiitu immoo galgala gara saâ€™aati 2:00 ti. Amma Turkitti waqtiin bona.

Kuni hundi ajiiib nama jechiisisa. Dhugumatti, kan akkanatti qindeessu fi sirreessu Rabbiin malee ni jiraa? Asi guyyaa yommuu taâ€™u biyyaa biraatti immoo dukkana.

Rabbiin Gooftaa wantoota hundaati. Kana jechuun Kan isaan uume, Mootiin isaanii, Kan dhimma isaanii foyyeessu fi sirreessu, qananii Isaatiin, Ergamtoota erguun, Kitaabban buusun Kan isaan guddisuu, kunuunsu fi barsiisu, hojii isaanitiif jaza (mindaa) guutuu kan isaaniif kafalu Rabbi Tokkicha. Namni

tokko Gooftaan kiyya Rabbi yommuu jedhu, â€œKan na uume, na nyaachisu fi obaasu, dhimma kiyya Kan qindeessu fi sirreessu, Kan na qananiisu, Kan na kunuunsu fi guddisu Rabbii Tokkicha.â€• jechuu isaati.

Hubannaan jecha â€œRabb (Gooftaa)â€• jedhu namoota jaallatan biratti maal taâ€™inna laata?

Rabbiin subhaanahu wa taâ€™aala uumamtoota, Isa tokkichoomsu fi Gooftaa isaanii beeku irratti uume. Ni jedha:

فَأَقِمْ وَجْهَكَ لِلدِّينِ حَنِيفًا فِطْرَتَ اللَّهِ الَّتِي فَطَرَ النَّاسَ عَلَيْهَا لَا
بَدِيلَ لِخَلْقِ اللَّهِ ذَلِكَ الدِّينُ الْقَيِّمُ وَلَكِنَّ أَكْثَرَ
النَّاسِ لَا يَعْلَمُونَ ﴿٣٠﴾

â€œKaraa haqaatti dabuun fuula kee amantiif sirreessi. Fixrah Rabbii kan Inni namoota hundaa irratti uume [qabadhaa]. Uumama Rabbii jijjiruun hin jiru. Santu amanti qajeeladha. Garuu irra hedduun namoota hin beekan.â€• Suuratu Ruum 30:30

Wantoota Rabbii gaditti gabbaraman dhiisun gara Rabbii Tokkicha gabbaruutti fuula kee qajeelchi. Fixrah Rabbii jechuun amantii qulqulluu Rabbiin namoota irratti uumeedha. Amantiin kunis Rabbiin beeku fi Isa tokkichummaan gabbaruudha. Maqaa amantii kanaa Islaama jennaan. Islaama jechuun Rabbiif harka kennuu fi Isa qofa gabbaruudha. â€œUumama Rabbii jijjiruun hin jiru.â€• kana jechuun amantii Rabbiin namoota irratti uume jijjiruun hin jiru. Amantiin qulqulluun sunis Islaama. Santu amanti qajeelaa Rabbitti nama geessudha. Garuu namoonni baayaâ€™teen amanti qajeelaa kana hin beekan. Rabbiin dhiisanii wanta biraa waaqefatu.

Rabbiin tokkichoomsu fi gara Isaatti garagaluun dhimma uumamaan nama keessa jiruudha. Rabbiin waliin waan biraa gabbaruu fi Isatti qindeessuun dhimma haarawa adeemsa namaa keessatti argameedha. Ergamaan Rabbii (SAW) ni jedhan: â€œDaaâ€™imni kamiyyuu hin jiru fixraah (uumama) irratti kan dhalatu yoo taâ€™ee malee. Ergasii abbaa fi haati isaa gara Yahuudaa yookiin Kiristaana yookiin Majuusaatti jijjiru.â€• [Sahih al-Bukhari 1359](#)

Namni osoo uumama irratti uumame irratti dhiifamee, silaa gara Rabbiin tokkichoomsutti ni qajeela, wanta Ergamtoonni ittiin ergamaanii fi kitaabban ittiin buâ€™an ni fuudhataa taâ€™re. Garuu guddinni karaa sirrii irraa jallatee fi naannoon badaan adeemsa daaâ€™imaa jijjiruu. Ergasii daaâ€™imni haadhaa fi abbaa jallinna isaanii keessatti isaan akkeessa.

Rabbiin subhaanahu wa taâ€™aala hadiisa Qudsii keessatti ni jedha, â€œGebroottan koo hunafaaâ€™ma gochuun isaan uume. Garuu sheyxaanonni amantii qajeelaa irraa isaan jallisan.â€• [Sahih Muslim 2865 a](#)

Hunafaaâ€™ma jechuun wantoota Rabbii gaditti gabbaraman dhiisun gara Rabbii Tokkichatti qajeeludha. Jecha biraatin Rabbiin qofa gabbaruudha.

Sheyxaanni Rabbii gaditti wanta biraa akka Gooftaatti akka gabbaran isaan taasise. Rabbiin tokkichoomsu irraa isaan garagalchuun gara shirkiitti isaan qajeelche. Jallinnaa fi badiinsa keessatti kufan, garagara ta’aman. Warra jallatan hundii isaanitu Gooftaa dhugaa tokkicha dhiisanii gooftaa mataa ofii godhatan. Sababni kanaa, yommuu isaan Gooftaa haqaa dhiisan, gooftolii sobaa gooftaa godhachuun qoraman. Akkuma Rabbiin jedhe,

فَذَلِكُمُ اللَّهُ رَبُّكُمُ الْحَقُّ فَمَاذَا بَعَدَ الْحَقِّ إِلَّا الضَّلَالُ فَأَنَّى

تَصْرَفُونَ ﴿٣٢﴾

☞Sun Allaah, Gooftaa keessan Kan haqaati. Dhugaa booda jallinna malee maaltu jiraa? Akkamumatti irraa garagalfamtu?• Suuratu Yuunus 10:32

Gariin namootaa Rabbii tokkicha dhiisani taabota gabbaru, gariin nama du’ame, garin immoo Nabiyyootaa fi awliyaa’oota gabbaru. Wantoonni kunniin gara Rabbii nu dhiyeessu ykn shafa’amaa (araara) nuuf ta’u jechuun gabbaru. Yookiin wantoonni kunniin badii nurraa deebisuu fi waan gaarii nuuf fidu irratti dandeetti qabu jechuun amanu. Kuni hundi baaxila (kijiba).

Muraasni mushrikoota Arabaati fi Kiristaanonni wantoonni isaan gabbaran kunniin ilma Rabbitti jechuun yaadu. Mushrikoonni Arabaa Malaykoonni intaloota Rabbiiti jedhanii waan yaadaniif malaykoota ni gabbaran. Kiristaanonni Iyyasuus (Iisaan) ilma Rabbiiti jedhanii waan yadaniif Iyyasuusin ni gabbaran (ni waaqefatan).

Deebii Yaada sobaa (baaxilaa) kanaaf kenname

Rabbiin subhaanahu wa ta’amaala yaada sobaa kanaaf deebii quubsaa kenneef. Mee isaan keessaa tokko haa ilaallu. Deebii namoota Malaykootaa fi Iyyasuusin waaqefataniif kenname:

Rabbiin akkana jechuun namoota kanarratti deebisa:

مَا اتَّخَذَ اللَّهُ مِنْ وَلَدٍ وَمَا كَانَ مَعَهُ مِنْ إِلَهٍ إِذَا لَذَهَبَ كُلُّ إِلَهٍ

بِمَا خَلَقَ وَلَعَلَّ بَعْضُهُمْ عَلَى بَعْضٍ سُبْحَنَ اللَّهُ عَمَّا يُصِفُونَ ﴿٩١﴾

☞Rabbiin ilma hin godhanne. Isa waliiniis gabbaramaan tokkoyyuu hin jiru. [Osoo jiraatanii] silaa gabbaramaan hundi waan uumee fudhatee deema; gariin isaanii garii irratti olta’uun turan. Rabbiin waan isaan itti fakkeessan hunda irraa qulqullaa’ame.• Suuratu Al-Mu’minuun 23:91

بِدْيَعِ السَّمَوَاتِ وَالْأَرْضِ أَنِّي يَكُونُ لَهُ وَلَدٌ وَلَمْ تَكُنْ لَهُ صَاحِبَةً

وَخَلَقَ كُلَّ شَيْءٍ وَهُوَ بِكُلِّ شَيْءٍ عَلِيمٌ ﴿١٠١﴾

â€œArgamsiisaa samii fi dachiiti. Niiti kan hin qabnee fi waan hundaa uumee osoo jiru akkamitti ilmoon Isaaf taâ€™aa? Inni waan hundaa beekaadha.â€• Suuratu Al-Anâ€™aam 6:101


Rabbiin wanta hundaa â€œTaâ€™iâ€• jechuun kan uumu, ilma maal irraa godhaa? Ilmi namaa ni duâ€™a. Sababa kanaaf sanyiin isaa akka itti fuutuuf ilma barbaada. Rabbiin immoo Tokkicha sanyii hin qabne, yeroo hundaa Jiraataa hin duunedha. Kanaafu, ilmoo maal irraa godhaa? Dabalataan, namni ilmoo kan barbaaduf yeroo dullummaa akka isa gargaarufi. Rabbiin Tokkicha Of dandaâ€™aa gargaarsa hin barbaannedha. Kanaafu, ilmoo maal irraa godhaa?

Dhugumatti, â€œRabbiin ilma qabaâ€• jechuun Isa arrabsuu fi kijiba guddaa uumudha. Ilmoon fakkaataa wanta irraa dhalatee taâ€™a. Rabbiin immoo fakkaataa fi dorgomaa hin qabu. Rabbiin ni jedha:




â€œRabbiin Of dandaâ€™aa hirkoo waa hundaati.â€• Suuratu al-Ikhlaas 112:2

Assamad jechuu-Of dandaâ€™aa hirkoo waa hundaati. Kana jechuun Rabbiin Of dandaâ€™aa homatti hin hajanneedha. Garuu uummamtoonni hundi Isarratti hirkatu, haajaa isaanii Isarraa barbaadu.



â€œHin dhalle hin dhalannes.â€• Suuratu al-Ikhlaas 112:3



â€œQixxaatan (fakkaatan) tokkollee Isaaf hin jiru.â€• Suuratu al-Ikhlaas 112:4

(Kana jechuun wanti Rabbiin qixxaatu fi fakkaatu tokkollee hin jiru. Rabbiin subhaanahu wa taâ€™aala fakkaataa ykn hiriyyaa wayitu hin qabu.)

Rabbiin wanta hundaa kan uumedha. Inni samii fi dachii garmalee gurguddatan kanniin kan uume nama akka fedhetti uumuu irratti dandaâ€™aadha. Kanaafu, Rabbiin ilmoo qabaachu irraa qulqullaaâ€™e, oltaâ€™e. Subhaanallahi ammaa yasifuun.

Guduunfaa

â€œGooftummaa Rabbiitti amanuu jechuun Rabbiin qofti Uumaa, Mootii, nyaachisaa fi obaasaa, Qindeessaa fi Tooâ€™ataa wantoota hundaa akka taâ€™e amanuudha

â€œRabbiin Gooftaa wantoota hundaati. **Gooftaa (Rabb)** jechuun Kan wantoota hundaa uumu, kunuunsu fi guddisu, bulchuu, qindeessu, tooâ€™atudha. Uumamtoonni Gooftaa taâ€™uu hin dandaâ€™an. Kanaafu, Iyyasuus, Malaykoonni fi wantoonni gabbaraman biroo gooftaa taâ€™uu hin dandaâ€™an. Sababn isaas, isaan kunniin uumamtoota waan taâ€™aniif wantoota hundaa uumu, nyaachisu, obaasu, tooâ€™achu hin dandaâ€™an.

â€œGooftaan kiyya Rabbi yommuu jennu, â€œKan na uume, na nyaachisu fi obaasu, dhimma kiyya Kan qindeessu fi sirreessu, Kan na qananiisu, Kan na kunuunsu fi guddisu Rabbi Tokkicha.â€• jechuu keenya. Kana yoo beekne Rabbiin qofa akka gabbarruu fi Isa qofarraa gargaarsa akka barbaannu nu

taasisa.

“Ilmaan namaa kamiyyuu Rabbiin beeku fi Isa qofa gabbaruu irratti dhalatan. Garuu sababa maatii fi naannootin Rabbiin irraa garagaluun wanta biraa gabbaru (waaqefatu).

“Rabbiin Gooftaa Tokkicha wantoota hundaa uumeedha. Hin dhalle, hin dhalannes. Fakkaataa fi hiriyyaa hin qabu. Ilmi namaa fi uumamtoonni biroo fakkaataa fi hiriyyaa qabu. Kanaafu, isaan Gooftaa haqaa ta’u hin danda’an.

Kitaabban wabii

[1] [Sharih Usuuli salaasa](#)-fuula 46, 84

[2] <https://www.almaany.com>

[3] [Al-Imaanu haqiiqatuh, khawaarimuh, nawaaqiduh inda ahli sunnati wal jama’a](#)-fuula 241

Abdullah bin Abdulhamid Al-Asarii

[4] [Aqiidatu tawhiid wabayaanu maa yudaaduhaa](#)-fuula 22-29, Saalih bin Fawzaan

[Taysiral Kariimul Rahmaani fii tafiiri Kalaamil Mannaani](#)“Abdurahmaan Naasir Sa’dii- Daarus salaam

Bidaa’u Tafiir-1/142-143 ibn Al-Qayyim

Date Created

June 23, 2018

Author

admin